

"Б" корпусындағы жергілікті бюджеттен қаржыландырылатын атқарушы органдардың мемлекеттік әкімшілік қызметшілері мен Түркістан қаласы әкімі аппаратының мемлекеттік әкімшілік қызметшілерінің қызметін бағалаудың әдістемесін бекіту туралы

Күшін жойған

Оңтүстік Қазақстан облысы Түркістан қаласы әкімдігінің 2018 жылғы 23 сәуірдегі № 623 қаулысы. Оңтүстік Қазақстан облысының Әділет департаментінде 2018 жылғы 18 мамырда № 4605 болып тіркелді. Күші жойылды - Түркістан облысы Түркістан қаласы әкімдігінің 2023 жылғы 1 шілдедегі № 238 қаулысымен

Ескерту. Күші жойылды - Түркістан облысы Түркістан қаласы әкімдігінің 01.07.2023 № 238 (алғашқы ресми жарияланған күнінен бастап қолданысқа енгізіледі) қаулысымен.

"Қазақстан Республикасының мемлекеттік қызметі туралы" Қазақстан Республикасының 2015 жылғы 23 қарашадағы Занының 33-бабының 5 тармағына және Қазақстан Республикасы Мемлекеттік қызмет істері және сыйайлар жемқорлыққа қарсы іс-қимыл агенттігі Төрағасының 2018 жылғы 16 қантардағы № 13 "Мемлекеттік әкімшілік қызметшілердің қызметін бағалаудың кейбір мәселелері туралы" бұйрығымен бекітілген "Б" корпусы мемлекеттік әкімшілік қызметшілерінің қызметін бағалаудың үлгілік әдістемесіне сәйкес, Нормативтік құқықтық актілерді мемлекеттік тіркеу тізілімінде № 16299 тіркелген, Түркістан қаласының әкімдігі ҚАУЛЫ ЕТЕДІ:

1. "Б" корпусындағы жергілікті бюджеттен қаржыландырылатын атқарушы органдардың мемлекеттік әкімшілік қызметшілері мен Түркістан қаласы әкімі аппаратының мемлекеттік әкімшілік қызметшілерінің қызметін бағалаудың әдістемесі осы қаулының қосымшасына сәйкес бекітілсін.

2. Түркістан қаласы әкімдігінің 2017 жылғы 18 сәуірдегі № 428 "Б" корпусындағы жергілікті бюджеттен қаржыландырылатын атқарушы органдардың мемлекеттік әкімшілік қызметшілері мен Түркістан қаласы әкімі аппараты мемлекеттік әкімшілік қызметшілерінің қызметін бағалаудың әдістемесін бекіту туралы" (Нормативтік құқықтық актілерді мемлекеттік тіркеу тізілімінде № 4072 болып тіркелген, 2017 жылғы 5 мамырда "Түркістан" газетінде және 2017 жылғы 12 мамырда Қазақстан Республикасының нормативтік құқықтық актілерінің эталондық бақылау банкінде электрондық түрде жарияланған) қаулысының күші жойылды деп танылсын.

3. "Түркістан қаласы әкімінің аппараты" мемлекеттік мекемесі Қазақстан Республикасының заңнамалық актілерінде белгіленген тәртіпте:

1) осы қаулының аумақтық әділет органында мемлекеттік тіркелуін;

2) осы қаулы мемлекеттік тіркелген күнінен бастап күнтізбелік он күн ішінде оның көшірмесін қағаз және электронды түрде қазақ және орыс тілдерінде "Республикалық құқықтық ақпарат орталығы" шаруашылық жүргізу құқығындағы республикалық мемлекеттік кәсіпорнына Қазақстан Республикасы нормативтік құқықтық актілерінің эталондық бақылау банкіне ресми жариялау және енгізу үшін жолдануын;

3) осы қаулыны мемлекеттік тіркелген күнінен кейін күнтізбелік он күн ішінде оның көшірмесін Түркістан қаласының аумағында таратылатын мерзімді баспа басылымдарында ресми жариялауға жолдануын;

4) ресми жарияланғаннан кейін осы қаулыны Түркістан қаласы әкімдігінің интернет-ресурсына орналастыруын қамтамасыз етсін.

4. Осы қаулының орындалуын бақылау қала әкімі аппаратының басшысы Қ.Мылтықбековке жүктелсін.

5. Осы қаулы оның алғашқы ресми жарияланған күнінен кейін күнтізбелік он күн өткен соң қолданысқа енгізіледі.

Қала әкімі

T.Mұсаев

Түркістан қаласы
әкімдігінің 2018 жылғы
23 сәуірдең № 623
қаулысымен бекітілген

"Б" корпусындағы жергілікті бюджеттен қаржыландырылатын атқарушы органдардың мемлекеттік әкімшілік қызметшілері мен Түркістан қаласы әкімі аппараты мемлекеттік әкімшілік қызметшілерінің қызметін бағалаудың әдістемесі

1-тaraу. Жалпы ережелер

1. Осы "Б" корпусындағы жергілікті бюджеттен қаржыландырылатын атқарушы органдардың мемлекеттік әкімшілік қызметшілері мен Түркістан қаласы әкімі аппараты мемлекеттік әкімшілік қызметшілерінің қызметін бағалаудың әдістемесі (бұдан әрі – Әдістеме) "Қазақстан Республикасының мемлекеттік қызметі туралы" Қазақстан Республикасының 2015 жылғы 23 қарашадағы Заңы 33-бабының 5 тармағына сәйкес "Б" корпусындағы жергілікті бюджеттен қаржыландырылатын атқарушы органдардың мемлекеттік әкімшілік қызметшілері мен Түркістан қаласы әкімі аппараты мемлекеттік әкімшілік қызметшілерінің (бұдан әрі – "Б" корпусының қызметшілері) қызметін бағалау тәртібін айқындайды.

2. Осы Әдістемеде қолданылатын негізгі ұғымдар:

1) тікелей басшы – дербес бағынысында болып табылатын бағаланушы қызметшіге қатысты тұлға;

2) жоғары тұрған басшы – дербес бағынысты болып табылатын, бағаланушы қызметшінің тікелей басшысына қатысты тұлға;

3) нысаналы мақсатты индикаторлар (бұдан әрі – НМИ) – мемлекеттік органның стратегиялық жоспарына, "А" корпусы қызметшісінің келісіміне немесе "Б" корпусы қызметшісінің қызметінің ерекшелігіне сәйкес (процесстік жұмысты қоспағанда) белгіленетін, "Б" корпусы қызметшілері қол жеткізген жағдайда олардың қызметінің тиімділігін дәлелдейтін көрсеткіштер;

4) жеке жұмыс жоспары – "Б" корпусы қызметшісінің бағалау кезеңіне НМИ қарастырылған және тікелей басшысымен бірлесіп құрылатын, жоғары тұрған басшымен бекітілген құжат;

5) құзыреттер – нақты мемлекеттік лауазымда кәсіби қызметті тиімді түрде атқару үшін қажетті білімнің, икемнің және дағдылардың жиынтығы;

6) мінез-құлық индикаторы – "Б" корпусы қызметшісінің мінез-құлық және құзыреттер деңгейі көрінісінің сипаттамасы;

3. "Б" корпусы қызметшілерінің қызметін бағалау (бұдан әрі – бағалау) олардың жұмысының сапасы мен тиімділігін айқындау үшін өткізіледі.

4. "Б" корпусы қызметшісінің нақты лауазымға келу мерзімі үш айдан кем болған жағдайда соның ішінде әлеуметтік демалыстан шыққаннан немесе оқуды аяқтағаннан кейін, сондай-ақ сынақ мерзімінде бағалау өткізілмейді.

Бағалауды өткізу кезінде "Б" корпусы қызметшілері еңбек демалысында, жалақы сақталмайтын демалысында, уақытша еңбекке жарамсыздығы кезеңінде, іссапарда немесе тағылымдамада болғанда, сондай-ақ қайта даярлауға, біліктілігін арттыруға жіберілгенде жұмысына қайта кіріскеннен кейін 5 жұмыс күні ішінде бағалаудан өтеді.

5. Бағалауды өткізу үшін "Б" корпусы қызметшісін мемлекеттік лауазымға тағайындауға және мемлекеттік лауазымнан босатуға құқығы бар лауазымды тұлғамен (бұдан әрі – уәкілетті тұлға) персоналды басқару қызметі немесе ол болмаған жағдайда персоналды басқару қызметінің (кадр қызметінің) (бұдан әрі – персоналды басқару қызметі) міндеттерін атқару жүктелген өзге құрылымдық бөлімше (тұлға) жұмыс органы болып табылатын Бағалау жөніндегі комиссия (бұдан әрі – Комиссия) құрылады.

Комиссия құрамы уәкілетті тұлғамен анықталады, комиссия мүшелерінің саны 5 адамнан кем болмауы тиіс.

Ескерту. 5-тармақ жаңа редакцияда - Түркістан облысы Түркістан қаласы әкімдігінің 26.10.2022 № 1762 (алғашқы ресми жарияланған күнінен бастап қолданысқа енгізіледі) қаулысымен.

6. Бағалау екі жеке бағыт бойынша жүргізіледі:

- 1) НМИ жетістіктерін бағалау;
- 2) "Б" корпусы қызметшілерінің құзыреттерін бағалау.

7. НМИ орындалуын бағалау нәтижелері бонустар төлеу, көтермелей, мемлекеттік лауазымдардан тәмендету немесе босату үшін шешім қабылдауға негіз болып табылады.

Құзыреттерді бағалау нәтижелері "Б" корпусы қызметшісінің қажетті құзыреттерін дамытуға негіз болып табылады. Бұл ретте, құзыреттерді бағалау нәтижелері бонустар төлеуге, көтермелейге, мемлекеттік лауазымдардан тәмендетуге немесе босатуға әсер етпейді.

8. Бағалауға байланысты құжаттар персоналды басқару қызметінде бағалау аяқталғаннан кейін үш жыл бойы сақталады.

2-тарау. НМИ анықтау тәртібі

9. Бағалау кезеңі басталғаннан кейін 10 жұмыс күні ішінде "Б" корпусы әкімшілік мемлекеттік қызметшісінің НМИ тікелей басшымен жеке жұмыс жоспарында осы Әдістеменің 1-қосымшасына сәйкес нысанда анықталады.

10. Жеке жұмыс жоспары тиісті НМИ әзірленген соң, ол бекіту үшін жоғары тұрған басшының қарауына енгізіледі.

11. "Б" корпусы қызметшісінің тікелей басшысы мемлекеттік органның (жергілікті атқарушы органның) бірінші басшысы болған жағдайда жеке жұмыс жоспары осы лауазымды тұлғамен бекітіледі.

12. НМИ осы Әдістеменің 13-тармағында көрсетілген талаптарға сәйкес келмese жоғары тұрған басшы жеке жұмыс жоспарын түзетуге қайтарады.

Жеке жұмыс жоспарын жоғары тұрған басшының қарауына қайта енгізу, түзетуге жолданған күннен бастап 2 жұмыс күнінен кешіктірілмей жүзеге асырылады.

13. НМИ:

1) нақты (күтілетін оң өзгерістер көрсетіле отырып қол жеткізуге тиісті нәтиже анық белгіленеді);

2) өлшемді (НМИ өлшеу үшін нақты критерийлер белгіленеді);

3) қолжетімді (НМИ қолда бар ресурстарды, құзыреттер мен шектеулерді ескере отырып белгіленеді);

4) уақытпен шектеулі (НМИ қол жеткізу мерзімі белгіленеді);

5) мемлекеттік органның стратегиялық мақсатын немесе "А" корпусы қызметшісінің келісімін жүзеге асыруға бағытталған болуы тиіс.

14. НМИ саны 5 құрайды.

15. Жеке жұмыс жоспары персоналды басқару қызметінде сақталады.

3-тарау. НМИ жетістігін бағалау тәртібі

16. Жеке жұмыс жоспарында көрсетілген НМИ жетістігіне бақылау жүргізу мақсатында тікелей басшы НМИ-да белгіленген жетістіктерге тоқсан сайын мониторинг жүргізеді.

Тоқсан сайынғы мониторинг қортындысы бойынша тікелей басшы бағалауға жататын "Б" корпусы қызметшісіне НМИ-ге жету және сол үшін қажетті шаралар бойынша жазбаша ұсыныстар береді.

17. Бағалауды өткізу үшін "Б" корпусы қызметшісінің тікелей басшысы осы Әдістеменің 2-қосымшасына сәйкес нысанда НМИ бойынша бағалау парагын толтырады және оған қол қояды.

18. Жеке жұмыс жоспарының жүзеге асырылуын бағалау жеке жұмыс жоспары құрылған жыл қорытындысы бойынша НМИ бағалау негізінде келесі тәртіпте жүзеге асырылады.

НМИ барлығы орындалған жағдайда "өте жақсы" баға қойылады.

НМИ санының 5-нен 4-і орындалған жағдайда "тиімді" баға қойылады.

НМИ санының 5-нен 3-і орындалған жағдайда "қанағаттанарлық" баға қойылады.

НМИ санының 5-нен 3-тен азы орындалған жағдайда "қанағаттанарлықсыз" баға қойылады.

НМИ-дің орындалуы жеке жоспарда қарастырылған барлық көрсеткіштердің толық орындалуын көздейді.

19. Бағалау парагы тікелей басшымен толтырылғаннан кейін, ол жоғары тұрған басшының қарауына енгізіледі.

20. "Б" корпусы қызметшісінің тікелей басшысы мемлекеттік органның бірінші басшысы болған жағдайда бағалау парагы оның қарауына енгізіледі.

21. "Б" корпусы қызметшісінің бағалау парагын қарау қорытындысы бойынша жоғары тұрған басшымен келесі шешімдердің бірі қабылданады:

1) бағалаумен келісу;

2) түзетуге жіберу.

22. Бағалау парагы НМИ қол жеткізуін дәлелдейтін фактілердің жеткіліксіздігі немесе дәйексіздігі болған жағдайда түзетуге жолданады.

23. Бағалау парагын жоғары тұрған басшының қарауына қайта енгізу, оны түзетуге жолдағаннан кейін 2 жұмыс күнінен кешіктірілмей жүзеге асырылады.

24. Жоғары тұрған басшымен бағалау парагына қол қойылғаннан кейін персоналды басқару қызметі 2 жұмыс күнінен кешіктірмей оны Комиссияның қарауына ұсынады.

4-тарау. Құзыреттерді бағалау тәртібі

25. Құзыреттерді бағалау тікелей басшымен жүргізіледі және оның нәтижесі бойынша осы Әдістеменің 3-қосымшасына сәйкес нысан бойынша бағалау парагы толтырылады.

26. Бағалау парагын толтыру барысында әр құзырет бойынша "Б" корпусы мемлекеттік лауазымдар санаттары үшін осы Әдістеменің 4-қосымшасымен көзделген мінез-құлық индикторларының жиынтығын басшылыққа алу қажет. Бір құзырет бойынша мінез-құлық индикаторларының саны 10-нан аспайды.

27. Қызметші құзыретінің даму деңгейі бағалау кезеңінде оның қызметінде көрінген мінез-құлық индикторларының санымен келесі тәртіпте анықталады:

1) қызметшінің қызметінде белгілі бір құзыретпен көзделген мінез-құлық индикторларының $\frac{3}{4}$ немесе одан көбі байқалған жағдайда "күтілген нәтижеге сәйкес" бағасы қойылады.

2) қызметшінің қызметі нақты құзыретпен көзделген мінез-құлық индикторларының $\frac{3}{4}$ -нен кеміне сәйкес келмесе, бағаланатын құзырет бойынша "күтілген нәтижеге сәйкес емес" бағасы қойылады.

28. Тікелей басшымен бағалау парагына қол қойылғаннан кейін персоналды басқару қызметі 2 жұмыс күнінен кешіктірмей оны Комиссияның қарауына ұсынады.

5-тaraу. Бағалау нәтижелерін Комиссиямен қарау және бағалау нәтижесіне шағымдану

29. Персоналды басқару қызметі Комиссия төрағасының келісімімен бағалауды өткізу кестесін қалыптастырады және бағалауды өткізуге дейін жеті жұмыс күні аралығында бағалауды жүргізетін тұлғаларды бағалау жүргізу туралы хабарлайды.

30. Комиссияның отырысы оның құрамының кем дегендे үштен екісі қатысқан жағдайда өкілетті болып есептеледі.

31. Комиссияның төрағасын не мүшесін алмастыру комиссияны құру туралы шешімге өзгертулер енгізу арқылы жүзеге асырылады.

32. Комиссияның шешімі ашық дауыс беру арқылы қабылданады.

33. Дауыс беру қорытындысы Комиссия мүшелерінің көпшілік дауысымен айқындалады. Дауыс саны тең болған жағдайда, бағалау жөніндегі комиссия төрағасының дауысы шешуші болып табылады.

34. Комиссияның хатшысы персоналды басқару қызметінің қызметшісі болып табылады. Комиссияның хатшысы дауыс беруге қатыспайды.

35. Персоналды басқару қызметі Комиссия төрағасымен келісілген мерзімдерге Комиссия отырысының өткізілуін қамтамасыз етеді.

36. Персоналды басқару қызметі Комиссияның отырысына келесі құжаттарды ұсынады:

1) толтырылған бағалау парақтарын;

2) осы Әдістеменің 5-қосымшасына сәйкес Комиссия отырысының хаттамасының жобасын;

37. Комиссия бағалау нәтижелерін қарайды да келесі шешімдердің біреуін қабылдайды:

1) бағалау нәтижелерін бекіту;

2) бағалау нәтижелерін қайта қарау.

38. Бағалау нәтижелерін қайта қарау туралы шешім қабылданған жағдайда Комиссия бағалау нәтижесін түзетіп, оны хаттаманың "Бағалау нәтижелері комиссиямен түзетілуі (бар болған жағдайда)" графасында көрсетіледі.

39. Бағалаудың нәтижелері "Б" корпусы қызметшісін мемлекеттік лауазымға тағайындауға және мемлекеттік лауазымнан босатуға құқығы бар лауазымды тұлғамен (бұдан әрі - уәкілетті тұлға) бекітіледі және осы Әдістеменің 5-қосымшасына сәйкес нысан бойынша тиісті хаттамасында тіркеледі.

40. Персоналды басқару қызметі "Б" корпусының қызметшісін бағалау нәтижелерімен ол аяқталған соң екі жұмыс күні ішінде таныстырады.

41. "Б" корпусының қызметшісін бағалау нәтижелерімен таныстыру жазбаша түрде жүргізіледі. Қызметші танысадан бас тартқан жағдайда, еркін түрде акт құрылып, персоналды басқару қызметімен және мемлекеттік органдың басқа екі қызметшісімен қол қойылған акт толтырылады.

Бұл ретте танысадан бас тартқан қызметшілерге бағалау нәтижелері мемлекеттік органдардың инtranet-порталы және/немесе мемлекеттік қызмет персоналы бойынша автоматтандырылған бірыңғай дереккор (акпараттық жүйенің) не электрондық құжат айналымы жүйесі арқылы осы Әдістеменің 40-тармағында көрсетілген мерзімде жолданады.

Ескерту. 41-тармақ жаңа редакцияда - Түркістан облысы Түркістан қаласы әкімдігінің 26.10.2022 № 1762 (алғашқы ресми жарияланған күнінен бастап қолданысқа енгізіледі) қаулысымен.

42. Алынып тасталды - Түркістан облысы Түркістан қаласы әкімдігінің 26.10.2022 № 1762 (алғашқы ресми жарияланған күнінен бастап қолданысқа енгізіледі) қаулысымен.

43. "Б" корпусы қызметшісінің Комиссия шешіміне шағымдануы мемлекеттік қызмет істері жөніндегі уәкілетті органда немесе оның аумақтық департаментінде шешім шыққан күннен бастап он жұмыс күні ішінде жүзеге асырылады. Шағымдарды қарау қорытындысы бойынша мемлекеттік қызмет істері жөніндегі уәкілетті орган келесі шешімдердің біреуін қабылдайды:

1) мемлекеттік органға Комиссия шешімін жойып, "Б" корпусы қызметшісінің бағалау нәтижесін қайта қарау бойынша ұсыныс беру;

2) "Б" корпусы қызметшісінің бағалау нәтижесін қайта қараусыз қалдыру.

44. "Б" корпусы қызметшісі бағалау нәтижелеріне сот тәртібінде шағымдануға құқылы.

"Б" корпусындағы жергілікті бюджеттен қаржыландырылатын атқарушы органдардың мемлекеттік әкімшілік қызметшілері мен Түркістан каласы әкімі аппараты мемлекеттік әкімшілік қызметшілерінің қызметін бағалаудың әдістемесіне 1-қосымша Нысан "БЕКІТЕМІН" Жоғары тұрган басшы

(тегі, аты-жөнінің бірінші әріптері)

куні _____
көлі _____

"Б" корпусы мемлекеттік әкімшілік қызметшісінің жеке жұмыс жоспары

_____ жыл
(жеке жоспар құрастырылатын кезең)
Қызметшінің (тегі, аты, әкесінің аты (болған жағдайда) _____

_____ Қызметшінің лауазымы: _____

_____ Қызметшінің құрылымдық бөлімшесінің атауы: _____

№	Нысаналы мақсатты индикаторлардың атауы	"А" корпусы қызметшісі келісімінің қаі көрсеткішінен немесе мемлекеттік жоспарлау жүйесінің құжатынан түйінделеді	Өлшем бірлігі	Жоспарлы мәні	Қол жеткізу мерзімдері	Түйінді нәтиже
---	---	---	---------------	---------------	------------------------	----------------

* Нысаналы мақсатты индикатор қол жеткізуден күтілетін оң өзгерістер
Тікелей басшы

Қызметші

(тегі, аты-жөнінің бірінші әріптері)
куні _____

(тегі, аты-жөнінің бірінші әріптері)
куні _____

КОЛЫ _____

КОЛЫ _____

"Б" корпусындағы жергілікті
бюджеттен
қаржыландырылатын
атқарушы органдардың
мемлекеттік әкімшілік
қызметшілері мен Түркістан
каласы әкімі аппараты
мемлекеттік әкімшілік
қызметшілерінің қызметін
бағалаудың әдістемесіне
2-қосымша

Нысан
"БЕКІТЕМІН"
Жоғары тұрган басшы

(тегі, аты-жөнінің бірінші
эріптері)

КҮНІ _____
КОЛЫ _____

НМИ бойынша бағалау парагы

(Т.А.Ә., бағаланатын тұлғаның лауазымы)

(бағаланатын кезең)

№	Нысаналы максатты индикаторларды н атауы	Өлшем бірлігі	Жоспарлы мәні	Нақты мәні	Көрсеткішке қол ж е т т і / көрсеткішке қол жетпеді

Бағалау нәтижесі _____
(қанағаттанарлықсыз, қанағаттанарлық, тиімді, өте жақсы)

Қызметші

Тікелей басшы

(тегі, аты-жөні)

(тегі, аты-жөні)

КҮНІ _____

КҮНІ _____

КОЛЫ _____

КОЛЫ _____

"Б" корпусындағы жергілікті
бюджеттен
қаржыландырылатын
атқарушы органдардың
мемлекеттік әкімшілік
қызметшілері мен Түркістан
каласы әкімі аппараты
мемлекеттік әкімшілік

қызметшілерінің қызметін
бағалаудың әдістемесіне
3-көсімша
Нысан

Құзыреттер бойынша бағалау парагы

_____ жыл
(бағаланатын жыл)
Бағаланатын қызметшінің (тегі, аты, экесінің аты (болған жағдайда) _____

Бағаланатын қызметшінің лауазымы: _____

Бағаланатын қызметшінің құрылымдық бөлімшесінің атауы: _____

№ р/с	Құзыреттер атауы	Бағалау нәтижелері (күтілетін нәтижеге сәйкес/күтілетін нәтижеге сәйкес емес)	Қызметшіде байқамаған мінез-құлық индикатор атауы (күтілетін нәтижеге сәйкес емес бағасын алған жағдайда)
1.	Қызметті басқару		
2.	Ынтымақтастық		
3.	Шешім қабылдау		
4.	Жеделділік		
5.	Өздігінен даму		
6.	Қызметті тұтынушыға бағдарлану *		
7.	Қ ы з м е т т і тұтынушыларды хабарландыру *		
8.	Адалдық		
9.	Жауапкершілік		
10.	Бастамашылдық		
11.	Стресске орнықтылық		

*Лауазымдық міндеттеріне мемлекеттік қызмет көрсету мәселелері жатпайтын "Б" корпусының мемлекеттік қызметшілері "Қызметті тұтынушыға бағдарлану" және "Қызметті тұтынушыларды хабарландыру" құзыреттері бойынша бағаланбайды.

Қызметші

(тегі, аты-жөні)

Тікелей басшы

(тегі, аты-жөні)

күні _____
жылда _____

күні _____
жылда _____

"Б" корпусындағы жергілікті
бюджеттен

қаржыландырылатын
атқаруыш органдардың
мемлекеттік әкімшілік
қызметшілері мен Түркістан
қаласы әкімі аппараты
мемлекеттік әкімшілік
қызметшілерінің қызметін
бағалаудың әдістемесіне

4-қосымша

Нысан

Құзыреттердің мінез-құлық индикаторлары

Ескерту. 4-қосымша жана редакцияда - Түркістан облысы Түркістан қаласы әкімдігінің 26.10.2022 № 1762 (алғашқы ресми жарияланған күнінен бастап қолданысқа енгізіледі) қаулысымен.

Құзыреттер атауы	Мемлекеттік әкімшілік лауазымдар санаты	Тиімді мінез-құлық индикаторлары	Тиімсіз мінез-құлық индикаторлары
	E-1; E-R-1.	<ul style="list-style-type: none">•Стратегиялық бағыттарға сәйкес нақты міндеттер қояды және тапсырмалар береді;•Бөлімшениң берілген міндеттерді сапалы және уақтылы орындаудың ұжымды бағыттайтының және жағдай жасайды;•Бөлімшесінің жұмысын басымдылығына қарай тиімді үйімдастырады;	<ul style="list-style-type: none">•Стратегиялық бағыттарға сәйкес нақты міндеттер қоя алмайды және тапсырмалар береді алмайды;•Берілген міндеттерді сапалы және уақтылы орындаудың ұжымды бағыттамайды және жағдай жасамайды;•Бөлімшесінің жұмысын басымдылығына мән бермей тиімсіз үйімдастырады;
қызметтік басқару	E-2; E-3 (құрылымдық бөлімшениң басшысы); E-R-2; E-R-3;	<ul style="list-style-type: none">•Бөлімшениң қызметтің жоспарлауда мен қамтамасыз етуге қажетті ақпараттарды жинақтап, талдайды және басшылыққа енгізеді;•Сеніп тапсырылған ұжымның жұмысын жоспарлайды және үйімдастырады, олардың жоспарланған нәтижелерге қол жеткізуіне ықпал етеді;	<ul style="list-style-type: none">•Бөлімшениң қызметтің жоспарлауда мен қамтамасыз етуге қажетті ақпараттарды жинақтап, талдамайды және басшылыққа енгізбейді;•Сеніп тапсырылған ұжымның жұмысын жоспарламайды және үйімдастырмайды, олардың жоспарланған нәтижелерге қол жеткізуіне ықпал етпейді;

	<ul style="list-style-type: none"> •Қызметкерлердің қойылған міндеттердің орындалуы барысындағы қызметіне бақылау жүргізеді; •Бөлімше жұмысының нәтижелелілігін және сапасын қамтамасыз етеді; 	<ul style="list-style-type: none"> •Қызметкерлердің қойылған міндеттердің орындалуына бақылау жүргізбейді; •Бөлімше жұмысының нәтижелелілігін және сапасын қамтамасыз етпейді;
E-3; * E-4; E-R-4;	<ul style="list-style-type: none"> •Басымдылығына қарай тапсырмаларды маңыздылығы ретімен кояды; •Басшылыққа сапалы құжаттар дайындаиды және енгізеді.; •Өлшеулі уақыт жағдайында жұмыс жасай алады; •Белгіленген мерзімдерді сақтайды. 	<ul style="list-style-type: none"> •Тапсырмаларды жүйесіз орындайды; •Сапасыз құжаттар әзірлейді; •Жедел жұмыс жасамайды; •Белгіленген мерзімдерді сақтамайды.
E-1; E-R-1.	<ul style="list-style-type: none"> •Өз құзыреті шегінде қызметкерлерді мемлекеттік органдармен және үйымдармен тиімді қарым-қатынаска бағдарлайды ; •Қойылған міндеттерге қол жеткізу үшін әрбір қызметкердің әлеуетін пайдаланады; •Басқа бөлімшелермен бірлесіп жоспарды жүзеге асырады және ортақ нәтижеге қол жеткізеді. 	<ul style="list-style-type: none"> •Өз құзыреті шегінде қызметкерлерді мемлекеттік органдармен және үйымдармен тиімді қарым-қатынаска бағдарламайды ; •Қойылған міндеттерге қол жеткізу үшін кейбір қызметкерлердің әлеуетін пайдаланады; •Басқа бөлімшелермен бірлесіп жоспарды жүзеге асыра алмайды және ортақ нәтижеге қол жеткізбейді.
ЫНТЫМАҚТАСТЫҚ	<ul style="list-style-type: none"> •Ұжымда сенімді қарым-қатынас орнатады; •Бөлімшенің қоғаммен тиімді жұмысын үйымдастыру бойынша ұсыныс жасайды; •Бірлесіп жұмыс аткару үшін әріптестерімен тәжірибесімен және білімімен бөліседі; •Әрқайсының нәтижеге жетуге қосқан үлесін анықтайды. 	<ul style="list-style-type: none"> •Ұжымда өзара сенімсіз қарым-қатынас орнатады; •Бөлімше және қоғаммен тиімді жұмыс үйымдастыру бойынша ұсыныс жасамайды; •Бірлесіп жұмыс аткару үшін әріптестерімен тәжірибесімен және білімімен бөліспейді; •Бағыныстағы тұлғалардың нәтижеге жетуге қосқан үлесін анықтамайды.
	<ul style="list-style-type: none"> •Ұжымның жұмысына үлесін қосады және қажет 	

	E-3; * E-4; E-R-4;	болған жағдайда түсіндірме үшін аса тәжірибелі әріптерлеріне жүгінеді; •Мемлекеттік органдар мен ұйымдардың өкілдерімен және әріптерімен қарым-қатынасты дамытады; •Талдау барысында пікір алмасады және талқылау нәтижесін ескере отырып, тапсырмаларды орындауды.	•Жұмыста түйіктық үстенімін білдіреді және түсіндірме үшін аса тәжірибелі әріптерлеріне жүгінбейді; •Әртүрлі мемлекеттік органдар мен ұйымдардың өкілдерімен және әріптерімен өзара әрекеттеспейді; •Әріптерімен мәселелерді талқыламайды.
	E-1; E-R-1.	•Міндеттерді дұрыс бөле алады; •Шешім қабылдау барысында мүмкін болатын қауіптер туралы хабарлайды; •Шешім қабылдау барысында альтернативті ұсыныс жасайды; •Тиімді және жүйелі шешім қабылдайды; •Жеке тәжірибесіне, басқа даманызды болып табылатын мәліметтерге негізделген шешім қабылдайды	•Бөлімшеде міндеттерді дұрыс бөле алмайды; •Орын алуды мүмкін қауіптер туралы хабарламайды; •Шешім қабылдау барысында альтернативті ұсыныс жасамайды; •Тиімсіз және жүйесіз шешім қабылдайды; •Шешім қабылдау барысында тек өзінің жеке тәжірибесіне және көзқарасына сенеді.
ШЕШІМ ҚАБЫЛДАУ	E-2; E-3 (Құрылымдық бөлімшениң басшысы); E-R-2; E-R-3;	•Бөлімше қызметін ұйымдастыруды тапсырмаларды дұрыс бөле алады; •Шешім қабылдауда қажетті ақпараттарды жинауды ұйымдастырады ; •Шешім қабылдаудағы тәсілдерді ұжыммен талқылайды; •Әртүрлі дереккөздерден алынған мағлұматтарды ескере отырып, мүмкін болатын қауіптерді талдайды және болжамдайды; •Мүмкін болатын қауіптер мен салдарларды ескере	•Бөлімше қызметін ұйымдастыруды тапсырмаларды дұрыс бөле алмайды; •Шешім қабылдауда қажетті ақпараттарды жинауды сирек ұйымдастырады; •Шешім қабылдаудағы тәсілдерді ұжыммен талқылаудан бас тартады және басқалардың пікірін ескермейді; •Әртүрлі дереккөздерден алынған мағлұматтарды ескермейді, мүмкін болатын қауіптерді талдамайды және болжамдайды; •Шешім қабылдау барысында мүмкін

		отырып, күзыреті шегінде шешім қабылдайды.	болатын қауітер мен салдарларды ескермейді.
	E-3; * E-4; E-R-4;	<ul style="list-style-type: none"> • Қажетті мәліметтерді таба алады; • Мүмкін болатын қауітерді ескере отырып, мәселелерді шешудің бірнеше жолын ұсынады; • Өзінің пікірін негіздей алады. 	<ul style="list-style-type: none"> • Қажетті мәліметтерді таба алмайды; • Мүмкін болатын қауітерді ескермейді немесе мәселелерді шешудің альтернативасын ұсынбайды; • Негіzsіз пікір білдіреді.
ҚЫЗМЕТТИ ТҮТЫНУШЫҒА БАҒДАРЛАНУ	E-1; E-R-1.	<ul style="list-style-type: none"> • Стратегиялық мақсаттар мен басымдылықтарды ескеріп, нақты міндеттер қоя алады; • Қызмет көрсетудің тиімді әдістерін біледі; • Көрсетілетін қызметтердің қолжетімділігін қамтамасыз етеді; • Қызмет тұтынушылардың қанағаттанушылығына талдау жүргізеді және қызмет көрсетуді жетілдірудің жолдарын қарастырады. 	<ul style="list-style-type: none"> • Стратегиялық мақсаттар мен басымдылықтарды ескермей, анық емес міндеттер қоя алады; • Қызмет көрсетудің әдістері туралы шала-шарпы біледі; • Көрсетілетін қызметтердің қолжетімділігін қамтамасыз етпейді; • Көрсетілетін қызмет бойынша тұтынушылардың қанағаттанушылығына талдау жүргізбейді және қызмет көрсетуді жетілдірудің жолдарын қарастырайды.
	E-2; E-3 (Кұрылымдық бөлімшениң басшысы); E-R-2; E-R-3;	<ul style="list-style-type: none"> • Сапалы қызмет көрсету жөніндегі жұмыстарды ұйымдастырады және туындаған мәселелерді шешеді; • Кері байланысты қамтамасыз ету мақсатында қанағаттанушылық дейгейін анықтауға жағдай жасайды; • Қызмет көрсетудің сапасын бақылайды, сондай-ақ жеке үлгі болуарқылы көрсетеді. 	<ul style="list-style-type: none"> • Сапалы қызмет көрсету жөніндегі жұмыстарды ұйымдастырмайды және туындаған мәселелерді шешпейді; • Кері байланысты қамтамасыз ету мақсатында қанағаттанушылық дейгейін анықтауға жағдай жасамайды; • Сапасыз қызмет көрсетуге жол береді, қызықпаушылық білдіреді.
	E-3; *	<ul style="list-style-type: none"> • Сыпайы және тілекестікпен қызмет көрсетеді; • Қызмет көрсетуге қанағаттанушылық деңгейін талдайды және 	<ul style="list-style-type: none"> • Қызмет алушыға дөрекілік және немісрайлылық білдіреді ; • Тұтынушының сұраптары мен

	E-4; E-R-4;	оларды жетілдірудің жөнінде ұсыныстар енгізеді; •Қызмет көрсету сапасын жақсарту бойынша ұсыныс енгізеді.	мәселелеріне мән бермейді; •Қызмет көрсету сапасын жақсарту бойынша белсенділік танытпайды.
ҚЫЗМЕТТИ ТҮТЫНУШЫҒА АҚПАРАТТАНДЫРУ	E-1; E-R-1.	<ul style="list-style-type: none"> •Ұжымға қызмет алушы тұтынушылар арасында көрсетілетін қызметтер туралы ақпараттарды жеткізу қажеттілігі туралы үнемі түсіндіреді; •Көрсетілетін қызметтер тұрали ақпараттандырудың тиімді тәсілін құрастырады. 	<ul style="list-style-type: none"> •Ұжымға қызмет алушы тұтынушылар арасында көрсетілетін қызметтер туралы ақпараттарды жеткізу қажеттілігі туралы түсіндіру жұмыстарын жүргізбейді; •Көрсетілетін қызметтер тұрали ақпараттандырудың тиімсіз тәсілін құрастырады.
	E-2; E-3 (құрылымдық болімшенің басшысы); E-R-2; E-R-3;	<ul style="list-style-type: none"> •Бағыныстағыларды қызмет алушыларды қолжетімді ақпараттандыруға бағдарлайды; •Тұтынушыға ақпараттарды құрметпен және игілікпен жеткізеді; •Қызмет тұтынушыларының пікірін құрметтейді. 	<ul style="list-style-type: none"> •Бағыныстағылармен қызмет алушыларды ақпараттандыру бойынша жұмыс жүргізбейді; •Тұтынушыға ақпараттарды жеткізбейді немесе немкұрайлы және жақтырмай жеткізеді; •Қызмет тұтынушыларының пікірін елемейді.
	E-3; * E-4; E-R-4;	<ul style="list-style-type: none"> •Қызмет алушыларды ақпараттандырудың тиімді тәсілдерін қолданады; •Тұтынушыға ақпаратты қолжетімді ауызша және жазбаша түрде жеткізеді; •Көрсетілетін қызметтер туралы ақпаратты уақтылы қабылдай және жібере алады. 	<ul style="list-style-type: none"> •Қызмет алушыларды ақпараттандырудың тиімсіз тәсілдерін қолданады; •Тұтынушыға ақпаратты ауызша және жазбаша түрде жеткізбейді немесе түсініксіз жеткізеді; •Көрсетілетін қызметтер туралы ақпаратты уақтылы қабылдай және жібере алмайды.
	E-1; E-R-1.	<ul style="list-style-type: none"> •Ұжымға жаңа басымдықтарды жеткізбейді немесе мерзімнен кеш жеткізеді; •Өзгерістерді уақтылы елеу үшін тиімді шаралар қабылдайды; •Бөлімшені тиімді басқарады және ішкі 	<ul style="list-style-type: none"> •Ұжымға жаңа басымдықтарды жеткізбейді немесе мерзімнен кеш жеткізеді; •Өзгерістерді уақтылы елеу үшін шаралар қабылдамайды немесе тиімсіз шаралар қабылдайды; •Бөлімшені тиімсіз басқарады және ішкі

		<p>және сыртқы өзгерістер кезінде нәтижеге қол жеткізеді;</p> <ul style="list-style-type: none"> • Жұмыстың жаңа бағыттарын қолдану бойынша ұсыныстарын талдайды және басшылыққа енгізеді. 	<p>және сыртқы өзгерістер кезінде нәтижеге қол жеткізбейді;</p> <ul style="list-style-type: none"> • Жұмыстың жаңа бағыттарын қолдану бойынша ұсыныстарын талдамайды және басшылыққа енгізбейді.
ЖЕДЕЛДІЛІК	E-2; E-3 (Құрылымдық бөлімшенің басшысы); E-R-2; E-R-3;	<ul style="list-style-type: none"> • Жұмыстың жаңа бағыттарын пайдалану жөніндегі ұсыныстарды қарайды және басшылыққа енгізеді; • Болып жатқан өзгерістерге талдау жасайды және жұмысты жақсарту бойынша уақтылы шараптар қабылдайды; • Өзгерістерді дұрыс қабылдауды өзінің үлгі өнегесімен көрсетеді. 	<ul style="list-style-type: none"> • Жұмыстың жаңа бағыттарын пайдалану жөніндегі ұсыныстарды қарамайды және басшылыққа енгізбейді; • Болып жатқан өзгерістерге талдау жасамайды және жұмысты жақсарту бойынша шараптар қабылдамайды; • Болып жатқан және күтілмеген өзгерістер кезінде өзін-өзі бақыламайды.
	E-3; * E-4; E-R-4;	<ul style="list-style-type: none"> • Жұмысты жақсарту жөнінде ұсыныстар енгізеді; • Оларды енгізуін жаңа бағыттары мен әдістерін үйренеді; • Өзгеріс жағдайларында өзін -өзі бақылайды; • Өзгеріс жағдайларында тез бейімделеді. 	<ul style="list-style-type: none"> • Жұмыстың қолданыстағы рәсімдері мен әдістерін ұстанады; • Жаңа бағыттар мен әдістерді зерттеп оларды енгізбейді; • Өзгеріс жағдайларында өзін-өзі бақылай алмайды ; • Өзгеріс жағдайларында бейімделмейді немесе баяу бейімделеді.
	E-1; E-R-1.	<ul style="list-style-type: none"> • Үлгілі қызметкерлерді анықтамайды және оларды жоғарылату туралы ұсыныстарды қарастырып, енгізеді. • Қызметкерлерді дамыту бойынша жүйелі шараптарды қабылдайды; • Әріптестерімен жинақталған тәжірибесімен, білімімен бөліседі, сондай-ак, олардың даму деңгейін анықтайды; 	<ul style="list-style-type: none"> • Үлгілі қызметкерлерді анықтамайды және оларды жоғарылату туралы ұсыныстарды қарастыраймайды; • Қызметкерлерді дамыту бойынша жүйелі шараптарды қабылдамайды немесе жүйесіз шараптарды қабылдайды; • Әріптестерімен жинақталған тәжірибесімен, білімімен бөліспейді, сондай-ак, олардың даму деңгейін анықтамайды;

		<ul style="list-style-type: none"> •Өздігінен дамуға үмтүлісін өзінің жеке үлгісінде көрсетеді; 	<ul style="list-style-type: none"> •Өздігінен дамуға үмтүлісін өзінің жеке үлгісінде көрсетуге көніл бөлмейді.
ӨЗДІГІНЕН ДАМУ	E-2; E-3 (Құрылымдық бөлімшенің басшысы); E-R-2; E-R-3;	<ul style="list-style-type: none"> •Бағыныстылардың құзыреттер деңгейін жоғарылату бойынша іс-шаралар ұсынады; •Мақсатқа жету үшін өзінің құзыреттерін дамытады және оларды бағыныстыларда дамыту үшін шаралар қабылдайды; •Бағыныстылармен олардың құзыреттерін, оның ішінде дамуды қажет ететін құзыреттерді талқылайды . 	<ul style="list-style-type: none"> •Бағыныстылардың құзыреттер деңгейінің жоғарылауына қызығушылық танытпайды; •Мақсатқа жету үшін өзінің және бағыныстыларының құзыреттерін дамытпайды; •Бағыныстылармен олардың құзыреттерін талқыламайды.
	E-3; * E-4; E-R-4;	<ul style="list-style-type: none"> •Жаңа білімдер мен технологияларға қызығушылық танытады; •Өзіндігінен дамуға үмтүлады, жаңа ақпараттар мен оны колданудың әдістерін ізденеді; •Тәжірибеде тиімділікті арттыратын жаңа дағдыларды қолданады. 	<ul style="list-style-type: none"> •Жаңа білімдер мен технологияларға қызығушылық танытпайды; •Өзіндігінен дамуға үмтүлмайды, жаңа ақпараттар мен оны колдану әдістерімен қызықпайды; •Өзінде бар дағдылармен шектеледі.
	E-1; E-R-1.	<ul style="list-style-type: none"> •Жұмыскерлермен әдептілік нормалары мен стандарттарының сақталуын қамтамасыз етеді; •Ұжымда мемлекеттік қызметтің әдептілік нормалары мен стандарттарына берілгендей деңгейін дамытады; •Басқалардың жетістіктерін мойындайды, әріптестерінің намысы мен абыройына нұқсан келтіретін олардың жеке және кәсіби қасиеттерін талқылаудан тартынады; •Әдептілік нормалардың бұзылғандығын елең 	<ul style="list-style-type: none"> •Жұмыскерлермен әдептілік нормалары мен стандарттарының сақталуын қамтамасыз етпейді; •Мемлекеттік қызмет жолын ұстаушылық әркімнің жеке ісі деп есептейді; •Басқалардың жетістіктерін мойындамайды, әріптестерінің намысы мен абыройына нұқсан келтіретін олардың жеке және кәсіби қасиеттерін талқылауга жол береді;

	<p>ескереді және аныктайды ;</p> <p>•Риясыздық, әділдік, адал ниеттілік, сондай-ақ, жеке тұлғаның намысы мен абыроына құрмет таныта отырып, бағыныстылары үшін әдепті мінез-құлықтың үлгісі болады.</p> <p>•Өзінің бөлімше жұмысының тәжірибесінде ашықтық, шынайылық және әділдікке бағытталған әдеп нормалары мен құндылықтарды біріктіреді;</p>	<p>•Әдептілік нормалардың бұзылғандығын елең ескермейді;</p> <p>•Риясыздық, әділдік, адал ниеттілік, сондай-ақ, жеке тұлғаның намысы мен абыроына құрмет танытпайды;</p> <p>•Өзінің бөлімше жұмысының тәжірибесінде ашықтық, шынайылық және әділдікке бағытталған әдеп нормалары мен құндылықтарды біріктіреді;</p>	
АДАЛДЫҚ	<p>E-2;</p> <p>E-3 (Құрылымдық бөлімшенің басшысы);</p> <p>E-R-2;</p> <p>E-R-3;</p>	<p>•Белгіленген стандарттар мен нормалардың, шектеулер мен тыйымдардың сақталуын бақылайды;</p> <p>•Ұжымның мұддесін өз мұддесінен жоғары қояды;</p> <p>•Жұмыста табандылық танытады;</p> <p>•Ұжымдағы сыйластық пен сенім ахуалын қалыптастырады;</p> <p>•Бағыныстылардың іс-әрекетінде шынайылық және әділеттілік принциптерін сактауды қамтамасыз етеді;</p> <p>•Риясыздық, әділдік, адал ниеттілік, сондай-ақ, жеке тұлғаның намысы мен абыроына құрмет таныта отырып, бағыныстылары үшін әдепті мінез-құлықтың үлгісі болады.</p>	<p>•Ұжымда белгіленген стандарттар мен нормалардың, шектеулер мен тыйымдардың орын алудына жол береді;</p> <p>•Өз мұддесін ұжым мұддесінен жоғары қояды;</p> <p>•Жұмыста табандылық танытпайды;</p> <p>•Ұжымдағы сыйластық пен сенім ахуалын қалыптастырмайды;</p> <p>•Бағыныстылардың іс-әрекетінде шынайылық және әділеттілік принциптерін сактауды қамтамасыз етпейді;</p>
	<p>E-3; *</p> <p>E-4;</p>	<p>•Белгіленген әдептілік нормалары мен стандарттарына сай кел мейтін мінез-құлықтар танытады ;</p> <p>•Өзінің жұмысын адал орындауда барысында</p>	

	E-R-4;	•Өзін адал, карапайым, әділ ұстайды, басқаларға сыпайылық және биязылық танытады.	немкүрайлылық білдіреді ; •Өзін адалсыз, шамданған және басқаларға дөрекілік және менсізбеушілік қасиеттерін танытады;
СТРЕССКЕ ОРНЫҚТЫЛЫҚ	E-1; E-R-1.	•Сынға сабырлықпен қарайды және негізді болған жағдайда, кемшіліктерді жою жөнінде шаралар қабылдайды.	•Сынға сабырсыз қарайды және негізді болған жағдайда, кемшіліктерді жою жөнінде шаралар қабылдамайды.
	E-2; E-3 (Құрылымдық бөлімшениң басшысы); E-R-2; E-R-3;	•Сынға сабырлықпен қарайды және негізді болған жағдайда, кемшіліктерді жою жөнінде шаралар қабылдайды.	•Сынға сабырсыз қарайды және негізді болған жағдайда, кемшіліктерді жою жөнінде шаралар қабылдамайды.
	E-3; * E-4; E-R-4;	•Сынға сабырлықпен қарайды және негізді болған жағдайда, кемшіліктерді жою жөнінде шаралар қабылдайды.	•Сынға сабырсыз қарайды және негізді болған жағдайда, кемшіліктерді жою жөнінде шаралар қабылдамайды.
ЖАУАПКЕРШІЛІК	E-1; E-R-1.	•Құрылымдық бөлімшениң қызметін ұйымдастыруды жеке жауапкершілігіне алады.	•Құрылымдық бөлімшениң қызметін ұйымдастыру жауапкершілігін басқа лауазымды тұлғаға артады.
	E-2; E-3 (Құрылымдық бөлімшениң басшысы); E-R-2; E-R-3;	•Құрылымдық бөлімшешін қызметін ұйымдастыруды жеке жауапкершілігіне алады.	•Құрылымдық бөлімшениң қызметін ұйымдастыру жауапкершілігін басқа лауазымды тұлғаға артады.
	E-3; * E-4; E-R-4;	•Өз ісі мен нәтижелері үшін жауаптылықта болады.	•Өз ісі мен нәтижелері үшін жауаптылықты басқа тұлғаға артады.
	E-1; E-R-1.	•Қызмет тиімділігін жогарылатуға бағытталған инновациялық тәсілдер мен шешімдер енгізу жөніндегі ұсыныстарды түзеді және қарастырады.	•Қызмет тиімділігін жогарылатуға бағытталған инновациялық тәсілдер мен шешімдер енгізу жөніндегі ұсыныстарды әзірлемейді және қарастыраймайды.
	E-2;	•Қызмет тиімділігін жогарылатуға бағытталған	•Қызмет тиімділігін жогарылатуға бағытталған инновациялық тәсілдерін

БАСТАМАШЫЛДЫҚ	E-3 (Кұрылымдық бөлімшенің басшысы); E-R-2; E-R-3;	инновациялық тәсілдерін және шешімдерін ендіру бойынша ұсыныстарды талдайды және енгізеді.	және шешімдерін ендіру бойынша ұсыныстарды талдамайды және енгізбейді.
	E-3; * E-4; E-R-4;	• Ұсыныстар мен бастамаларын енгізеді және өзінің негізгі міндеттерінен басқа қосымша жұмыстарды орындайды.	• Ұсыныстар мен бастамаларын енгізбейді және өзінің негізгі міндеттерінен басқа қосымша жұмыстарды орындамайды.

"Б" корпусындағы жергілікті бюджеттен

қаржыландырылатын
атқаруыш органдардың
мемлекеттік әкімшілік
қызметшілері мен Түркстан
қаласы әкімі аппараты
мемлекеттік әкімшілік
қызметшілерінің қызметін
бағалаудың әдістемесіне

5-қосымша

Нысан
"БЕКІТЕМІН"
Лауазымды тұлға

(тегі, аты-жөнінің бірінші
әріптері)

күні _____
қолы _____

Бағалау жөніндегі комиссия отырысының хаттамасы

(мемлекеттік органның атауы)

(бағалау мерзімі жыл)

Бағалау нәтижелері

№ р/с	Қызметшілердің тегі, аты, әкесінің аты (болған жағдайда)	Бағалау нәтижелері туралы мәлімет	Бағалау нәтижелері комиссиямен түзетілуі (бар болған жағдайда)	Комиссияның ұсыныстары

Комиссия қорытындысы: _____

Тексерілді:

Комиссияның хатшысы: _____ Күні: _____

_____ (тегі, аты-жөні, қолы)

Комиссияның тәрағасы: _____ Күні: _____

_____ (тегі, аты-жөні, қолы)

Комиссияның мүшесі: _____ Күні: _____

_____ (тегі, аты-жөні, қолы)

© 2012. Қазақстан Республикасы Әділет министрлігінің «Қазақстан Республикасының Заңнама және құқықтық ақпарат институты» ШІЖҚ РМК